

楊襄毅公本兵疏議

提督毅公本兵疏議卷之十三

遵 諭嚴飭薊鎮邊備疏

少保兼太子太保兵部尚書臣楊博等謹

題為傳奉

聖諭事職方清吏司案呈奉本部送該 內閣傳奉

聖諭兵理可用心否十路可聞二三齊否不過往來文書  
昨二次風異必非無應恩示宜小心欽此欽遵傳奉到  
部送司案呈到部臣等捧讀 聖諭仰見

皇上留意邊警至精至密無任欽服查得薊遼總督都御  
史劉燾原題十路客兵正月入關宣大總督尚書江

東見將大同宣府山西三鎮援兵具奏整棚又奏稱賊虜俱在大同邊外住牧候哨有東過白草川三間房消息即便入關策應內外防禦之略日慎一日不敢少怠除通行劉燾等小心嚴備宣薊二鎮總督但有奏到事宜臣等即時議覆務保萬全嘉靖四十三年正月初七日題奉

聖旨是邊防當慎朕已屢下諭便行與劉燾等悉心幹理仍行京營一體上緊選練各不許以虛文取罪欽此

覆巡撫保定都御史魏尚純酌議春防兵馬疏

題為懇乞

天恩計處防春兵馬以弭虜患事職方清

吏司案呈奉本部送兵科抄出巡撫保定等府兼提督紫荆等關都察院右副都御史魏尚純題奉

聖旨兵部知道欽此欽遵抄出送司案呈到部看得保定一鎮原無防秦事例若論地方衝緩則馬水口逼近保安第一該防至於紫荆倒馬二關大舉之寇多由大同突入計二關至邊五六百里候其入邊方行擺守亦不為遲相應通行酌處合候

命下備行都御史魏尚純總兵官尹秉衡即將馬水口應擺兵馬於正月終旬上邊其餘紫荆倒馬應擺兵馬俱在本處練候一面差人於大同遠哨果有大舉入

邊消息作速督發一體擺守若賊虜大勢東過白草  
川三間房一帶則是的犯薊鎮又聽總督劉燾相機  
調援共保萬全嘉靖四十三年正月十七日題奉  
聖旨是着鎮巡官於宣大地方先時遠哨酌量緩急發兵  
防守欽此

請命薊鎮邊臣哨報虜情疏

題為申嚴薊鎮哨探以圖萬全事職方清吏司案呈照  
得西虜辛愛等該宣大總督鎮巡官十日一奏東虜  
土蠻等該遼東鎮巡官十日一奏俱經奉有

欽依通行外所據薊鎮若不嚴加探哨止以耳目寄之別

鎮萬一悞事干係匪輕乞為查處案呈到部看得煎  
鎮哨探一事交常一體舉行合候

命下行移總督都御史劉燾總兵官胡鎮巡撫都御史溫  
景葵通行十路副叅等官各差的當人役出境遠哨  
自正月二十五日為始每十日將有無虜情緣由照  
依宣大遼東事例各另具奏不許疎怠遲緩及妄捏  
捕風捉影之言致悞大計嘉靖四十三年正月十九  
日題奉

聖旨是着劉燾胡鎮溫景葵嚴行各路將官差人遠哨虜  
情照例奏報欽此

覆薊鎮督撫官劉燾等條議撫卹軍情事宜疏

題為陳言邊務以懲夙弊以飭武備事職方清吏司案  
呈奉本部送兵科抄出總督薊遼保定等處軍務兼  
理糧餉都察院右副都御史劉燾題奉

聖旨戶兵二部看了來說欽此又該整飭薊州等處邊備  
兼巡撫順天等府地方都察院右僉都御史溫景葵  
題奉

聖旨戶兵二部看了來說本內將官白文智傅津郭琥佟  
登張懋勛能計處撫恤軍士各賞銀二十兩紵絲二表  
裡欽此欽遵通抄送司案呈到部看得總督薊遼軍務

右副都御史劉燾巡撫順天等府右僉都御史溫景葵等具題四事大率均係卹軍事宜合就開立前件議擬上請定奪嘉靖四十三年正月二十五日題奉聖旨依議行欽此

一總督都御史劉燾所題大率欲要將各營軍士照冊查出精壯者盡發營操老弱者選補牢伴查照題准事例定擬名數一應打柴與鍍銀挑繡之匠嚴加禁革各一節委得正本清源之意合無移咨總督劉燾巡撫溫景葵通行各路將領各將本營食糧軍士照冊查出蒐選精壯者盡發營操以備戰守老弱者



即充牢伴以備差遣仍遵照先年題准事例鎮守總兵每員軍伴二十四名副總兵每員二十名分守叅將遊擊十八名守備每員十二名提調以都指揮體統行事與守備職銜責任相同者每員十名坐營中軍比照各衛管事指揮每員四名管操領哨等官每員二名其打木擔柴鍛銀挑繡等匠通行查革政有分外多占者悉聽督撫官坐贓叅問至於定議把式較射鎗箭置簿稽查等項事宜悉如所擬施行

一總督都御史劉燾所題大率欲要廣召募以備緩急急抽選以圖經久厚撫卹以免逃亡各一節中間

議處俱已周悉合無依其所擬備行總督劉燾巡撫  
溫景葵一面差委能幹官員出關分投召選合用安  
家銀兩照依所擬之數酌量查給本部仍行各鎮督  
撫衙門行令各該地方如有願赴薊鎮投軍者不許  
阻留彼此同心共濟其事一面行令薊鎮沿邊軍衛  
有司因其地方大小定以抽選人數原額均徭不得  
累及見在人口所遺均徭改撥富庶地方一面行令  
各該將領置立點軍文簿二扇將所管軍士嘉靖四  
十三年為始分別舊管新收開除實在四行逐款明  
白按月登記循環簿內赴總督軍門倒換查考軍數

之盈縮定將領之賢否仍聽巡按巡關御史出巡之日稽查舉刺以修實政

一巡撫都御史溫景葵所題大率言叅將白文智議開煤窰抽取課銀得策之上副總兵傅津議採柴草易賣價值得策之中叅將郭琥議將米糧放於酒房銀兩放於鋪戶量取利息得策之下要之皆為撫賞除採柴恐開私役之端放債近於市井之習俱難依行外合無備行總督劉譚巡撫溫景葵行令各路將領等官隨其所在各將與利事宜果有如白文智開取煤窰者議呈督撫衙門逐一詳酌施行公用銀兩

再不敷用徑自會題聽本部與戶部另處如有踵襲前弊及科派剋減等項悉聽督撫官并巡按巡關御史指名叅治

一巡撫都御史溫景葵所題大率言營中出差力作邊功者皆貧軍科斂不加袖手高坐者皆富輩欲要今後各官軍伴止於三等軍士照例取用不許占用殷實得過之人其餘匠作護勅種地等項名色盡數革除一節查與總督劉燾前款所題大略相同合無一體嚴行申飭至於各該家丁既有行糧月糧又有關領馬匹不許以充馬為名占軍幫貼凡有應修

工程及不得已灘派一例均平不得徇私偏累中間如有怙惡不悛仍前私占致妨操練或貽累衆軍者聽督撫官從重處置該管官併行叅究

分布援兵豫備薊鎮調遣疏

題為預布援兵以重春防以保萬全事職方清吏司案呈先該本部具題內一款一議處鄰境添調援兵節該總督宣大尚書江東等巡撫保定都御史魏尚純等各將整搦過援兵緣由會題前來即日正月將盡二月倏臨在東虜則仰仗玄威追逐遠遞石門諸路已收保障之功在西虜則結聚近境乘隙窺伺古北

諸口當嚴防禦之略所據鄰境援兵不嫌於多  
益善呈乞查處案呈到部看得薊鎮地方近在畿甸  
比之別鎮迥不相同虜未至則當悉心畫守以伐其  
謀虜已至則當竭力堵截以屈其力大率地利人力  
二者均不可少除總督劉燾先將十路兵馬分布停  
妥見今次第入關且修且守外所據臣等之原議隣  
鎮援兵宣府五枝共該一萬五千名大同三枝兵共  
該九千名山西三枝共該九千名保定三枝共該三  
千名遼東一枝共該三千名通共三萬九千名相應  
預為定擬合候

命下備容江東魏尚純并遼東巡撫都御史王之誥各照  
後開事宜嚴行各將查照遵行無警則仍在原地駐  
劄聽候萬一有過白草川三間房之訊不必聽調徑  
自入關庶幾士馬雲集戰守允賴嘉靖四十三年正  
月二十九日題奉

聖旨是欽此

一宣府總兵官馬芳已經臣等調在懷來駐劄果有  
東警即便統領所部正兵三千員名并東路遊擊麻  
錦下游兵三千員名宣府新遊擊崔世榮下游兵三  
千員名作速入居庸關或應防守各路或應防守郊

圻悉聽總督劉燾徑自分布

一大同總兵官姜應熊已經臣等調在懷安駐劄果有東警即便統領所部正兵三千員名作速入居庸關仍將本鎮東路遊兵三千員名一併帶領入關悉聽總督劉燾徑自分布

一保定總兵官尹秉衡見在保定駐候果有東警即便統領所部標兵三千員名由涿州良鄉前進聽候總督劉燾徑自分布

一遼東總兵官佟登已經臣等調在寧前駐劄果有西警即便統領所部正兵三千員名作速入山海關



聽總督劉燾分布東路公同石門燕河太平三路叅將白文智等隨賊向往協力防守

一山西總兵官董一奎已經臣等調在順聖東城駐劄果有東警即便統領所部正兵三千員名作速入居庸關仍將本鎮遊兵一營三千員名一併帶領入關悉聽總督劉燾徑自分布

一宣府副總兵麻祿已經臣等調在永寧駐劄果有東警即便統領所部奇兵三千員名作速入居庸關聽總督劉燾徑自分布

一總督尚書江東見在懷來駐劄果有東警即便統

領標兵三千員名并大同西路遊兵三千員名山西  
援兵三千員名速赴居庸關相機進止以示犄角之  
勢前項各起援兵有功與薊鎮將領同其陞賞有罪  
與薊鎮將領同其譴罰

一保定都御史魏尚純如果有警徑趨涿州良鄉等  
處遼東巡撫都御史王之誥如果有警徑趨山海等  
處其大同巡撫都御史張邦彥山西巡撫都御史楊  
宗氣宣府巡撫都御史楊巍一面各守本鎮一面選  
差勁兵分搗虜巢牽其內顧

覆山東巡按御史高應芳議處報効人役疏

題為議處地方事宜以裨安攘大計事職方清吏司案  
呈奉本部送兵科抄出巡按山東監察御史高應芳  
題奉

聖旨兵部知道欽此欽遵抄出送司案呈到部看得巡按  
山東監察御史高應芳題稱訪得濮州原任守備今  
充軍陳良謨在淄川縣與生員王勛司守約司守敬  
王汝弼牛在峰畢聳程章丁汝勉劉課召募精兵四  
千一聞虜警踴躍爭赴及至事平隨即散伏即今古  
北揀練用人之際乞將陳良謨司守敬王勛克冠帶  
把總名目行令山東巡撫張鑑出榜宥其私自糾衆

罪名給文赴薊鎮軍門聽用其餘情願報効者一體  
收送就令陳良謨司守敬等管領果能殺賊立功照  
例陞賞知縣許遷職擅出私交合應提問各一節為  
照前項願報効人俱以警至而募兵趨赴似有敵愾之  
心警退而束身歸散原無携二之跡但未奉官司明  
文事屬專擅堅冰之漸妥當預防既該巡按御史高  
應芳具題前來相應通行議擬合候

命下移咨巡撫都御史王鑑即將陳良謨司守敬王勛俱  
各授以冠帶把總各員專聽民兵叅將李洲節制仍  
將義勇四千名造冊在官官令照常生理如遇薊鎮

防秋果有自備鞍馬口糧願從民兵報効者巡撫官  
查理明白交付李洲統領報効不願者不宜強逼有  
功之日與官軍一體陞賞知縣許遷職私交有罪緣  
事本因公姑免提問移咨都察院轉行高應芳量加  
戒飭以示後戒嘉靖四十三年二月初二日題奉  
聖旨是欽此

覆監察御史王汝正條議邊務疏

題為陳愚見議兵食以圖內治以安重鎮事職方清吏  
司案呈奉本部送兵科抄出浙江道監察御史王汝  
正題奉

望旨該部看了來說邊餉奸弊多端尤須詳計嚴禁以副  
朝廷任官養兵之意欽此欽遵抄出送司案呈到部看  
得浙江道監察御史王汝正條陳五事合就開立前  
件議擬上請定奪嘉靖四十三年二月初六日題奉  
聖旨兵備道以飭兵保固地方為職有功既與將官同賞  
豈得不同其罰着照劉壽近照程在分路事理行其餘依  
擬欽此

一預傳報以圖收斂並有鑒於去冬之事若果傳報  
得早多方收保全活必多矣官無備咨總督劉壽督同  
鎮巡官胡鎮溫景葵通行各路將領如遇春秋兩防

多差的當人役遠為哨探  
果有入犯消息着落該道  
兵備官預先傳報責令有  
司製火牌十餘面差陰陽  
義官分投各路傳示鄉民  
早為收斂以保萬全違者  
查究坐罪

二設奇兵以勦零寇大率  
欲要遇賊入境主將領兵  
結營與賊相持仍選驍將  
專領勁兵四散分掠零騎  
邀截勦殺是亦兵家之一  
策合無備行總督劉燾督  
同鎮巡官胡鎮溫景葵公  
兵拒堵一面分遣驍將山  
奇取道趨赴所掠地方或  
夜擊賊營或邀截零騎隨  
機應變務收全功如或觀

望悞事聽總督官徑以軍法從事

三議守城以保郡縣蓋因邇來虜賊一見野無可掠輒肆攻城之計即如平谷之事可以為鑒合無備咨總督劉燾巡撫溫景葵通行各該兵備道責令守備有司等官各將守城軍役從實操練并將城中壯丁盡數查出與守城軍役各備精利器械每城分為四面每面設火器若干并派定梁口地方開造文冊無事之日守備官止許操練軍役不許騷擾居民有警之時會同有司照依編定地方上城分守如無守備州縣就令有司衛官一體舉行



四禁科剋以恤邊軍近該巡撫順天都御史溫景葵具題本部覆奉

欽依極為詳備查與御史王汝正所見大略相同合無備咨總督劉燾督同鎮巡官胡鎮溫景葵今後有事巡邊一毫不許取辦軍士仍通行各道并各該將官凡遇經過營堡除應支糧餉外不許分外索取下程如無糧餉者各令自備芻糧或准動自理紙贖委官供應亦要出示嚴禁各旗牌人等不許騷擾地方各處守堡等官亦不許指稱科派違者聽巡按巡關御史訪拏坐贓重治

三明職守以專責成大率欲將各兵備官無事令其  
查理兵食遇警守歛保守至於邊牆失守不得與將  
官一例同責深為有理合無斟酌所擬備咨總督劉  
燾巡撫溫景葵行令各兵備官無警每年正月半上  
邊三月盡下邊七月初上邊九月盡下邊各照區分  
撫處夷情聽理詞訟選練人馬修理關營墩牆城池  
堡寨管理神器甲仗修蓋營房倉庫預備主客糧餉  
稽查一切奸弊如有邊工未就之緒及間閱兵馬諸  
務仍選委州縣才能正官一員前去代理及將所管  
區分主兵通行蒐選公同該路將領設法教練遇警

收斂人畜處置行糧監督戰守主客大小將領如有  
臨陣退縮及不公不法俱許指實叅究其謀勇勤勞  
者具呈督撫衙門甄別奏請仍聽總督巡撫官節制  
萬一邊關失守不得與將官一槩坐罪各道

勅書通行換給

覆都給事中邢守庭等條議春防邊務疏

題爲敷陳末議以備春防採擇事職方清吏司案呈奉

本部送兵科抄出兵科都給事中邢守庭等題奉

聖旨該部看了來說欽此欽遵抄出送司案呈到部看得  
兵科都給事中邢守庭等條陳三事合就開立前例

議擬上請定奪嘉靖四十三年二月初六日題奉

聖旨軍令必嚴乃能制勝各將領但有抗違玩愒的着  
總督鎮巡官指名叅奏以憑重治降勅差官不必行其  
餘依擬欽此

一申節制以一士心臣等議得防邊之要第一在於  
號令嚴明其次在於賞罰明信號令明則大將之威  
行於外而人知畏讐賞罰信則朝廷之政定於一  
而人有勸懲除薊鎮拒堵之功雖無首級者一體世  
廕哨探之使能得的訊者即與陞賞節經奉有

欽依無容別議外所據副叅遊守等官自有虜患以來怠

玩成風鮮遵約束誠如該科所論合無依其所擬備  
行翰林院查照今議專隄 勅諭一道本部選差司  
屬官一員前去薊鎮宣布 德音嚴令各該將領一  
切戰守機宜悉聽總督鎮巡節制敢有抗違玩愒者  
輕則以軍法從事重則指名叅奏解來京置之法  
典庶幾臂指可成腹心自固提綱挈領無過於此  
一分駐劄以固重鎮臣等議得陽和一城在內則當  
宣大之中在外則為華夏之限總督駐於懷來勢既  
不能西顧巡撫近在雲中事自可以兼防該科所論  
無非圖維萬全之意合無 備行總督江東嚴行陽和

兵備副使分守叅將督率各城守備把總等官居常  
加謹哨備有警相機堵剿大同巡撫都御史不時往  
來巡蒞修明邊政候薊鎮寧謐江東昭舊駐劄陽和  
控制三鎮

一遵 明旨以修實政臣等議得薊遼去京師為近  
寔有申畫郊圻之責陝西四鎮與山西一鎮去京師  
雖遠亦有慎固封守之寄大抵均承

簡命分閫一方力求實効尚恐職業之弗脩苟事虛文必  
致邊政之大壞委當通行申飭合無移文各鎮總督  
鎮巡官查照該科所議即將一切防禦事宜遵奉

明旨從實舉行不得玩愒因循自貽罪戾違者聽巡按御史與本部指名叅治至於守衛官軍苦於役占之多全無嚴肅之體合行巡視科道并本部郎中陳詔晝夜點查以祛夙弊其都給事中邢守庭原定牌面式樣務要速為制造通完之日郎中陳詔呈部查考覆薊遼總督都御史劉燾等一片石拒虜功賞疏題爲欽奉

明旨分別堵截有功官員等第事職方清吏司案呈奉本部送兵科抄出總督薊遼保定等處軍務兼理糧餉都察院右副都御史劉燾題奉

軍功論賞除總督鎮巡外其餘文武官非實在地方  
戰守者不宜濫預這本內所開的兵部還斟酌定擬來  
說欽此又該鎮守薊州永平山海等處地方總兵官前  
軍都督府都督同知胡鎮題內稱巡按御史董堯封  
巡按御史黃泮法紀素行于諸將風裁久動乎三軍  
不戒以孚我有攸賴總督軍務右副都御史劉壽任  
事纔方三月而軍令維新決策每求萬全而人心不  
應聞喜峰之報即遣大將以東馳再聞義院之傳  
復遣標兵而聲援功成有自發縱居先但御史係  
朝廷耳目之官總督乃地方共事之長節奉禁例俱不



得互相稱引並不敢論巡撫右僉都御史溫景葵為  
地方保障不辭晝夜籌畫之勞知將卒甘苦不惜千  
金鼓舞之費號令多施於平日調度克濟于臨時虜  
謀未發而機先得使諸路之防在在有備警報方聞  
而氣已奪驅見敵之志固箇爭先似其指縱之功誠  
不在摧鋒之下此一臣者又非臣敢擅言也奉

聖旨兵部知道欽此又該整飭薊州等處邊備兼巡撫順  
天等府地方都察院右僉都御史溫景葵題內稱鎮  
守總兵官都督同知胡鎮懋心恒許 國志切吞胡聞  
報長驅三晝夜而行八百里路望風直擣一咆哮而

二  
卻數萬賊兵始于黃土嶺之摧鋒鎗喪膽落既而山海關之遣將羊犬計窮允矣無怠而無荒誠哉有謀而有勇似此土嶺之烈無忝土牆之功此一臣者所當首論以備廢資者也奉

聖旨兵部知道欽此欽遵通抄送司案呈到部看得總督薊遼保定軍務右副都御史劉燾題稱查勘過本年正月內一片石等處官軍堵回大虜獲功緣由及稱鎮守薊州總兵官都督同知胡鎮所當廢資石門寨叅將白文智所當出格陞賞總兵官標下遊擊董一元山海守備趙雲龍厚加陞賞守山海關主事商誥

薊州兵備帶管永平道右叅政紀公巡所當甄錄固  
原遊擊周池白文智下親丁白武卿白棟白漢白勲  
白潤中軍黃都千總楊秉中江川提調馬文龍趙雲  
龍下親丁趙雲鳳趙雲海趙應捷中軍符楨指揮施  
國藩石寶任鶴年王杰經歷魏公道胡鎮下親丁胡  
天福胡天祿陳平郭大勲劉從武楊天伏陳海蘇子  
中賈倫王宗儒前鋒官陳嘉猷王光祖薛論道丁從  
化中軍劉九經千把總梅應春孫世勲官麒董一元  
下千總李芝石門寨隨伍官李福北水關百戶虞政  
所當通論陞賞內白武卿趙雲鳳尤宜優厚燕河營

副總兵傅津永平遊擊張懋助聽用原任叅將徐枝  
軍門標下振武營叅將帶管中軍事李勇巡撫標下  
中軍原任叅將徐致中石門寨武舉官郭江三屯營  
武舉官毛希遂量加陞賞建昌營叅將九月遊擊李  
著巡撫標下叅將李康民太平寨叅將時鑾馬蘭谷  
千總閻儒軍門標下叅將黃演王孟夏寧夏遊擊石  
玉一片石提調王庭棟千總王世爵黃土嶺管操官  
呂納守關官解性大青山守關官田登董一元下中  
軍黃陞喜峰口守備羅端義院口提調王允文管夜  
不收官朱添福等二十八員原任遊擊甯淮原任都

司姚允中三屯營管領家丁百長官王自進等二十  
七名所當賞勞令典張相等五名准容比例哨夜張  
才等五名探報得實通應犒賞被傷軍丁郭勲等三  
十六名奮不顧身通行優恤石門寨山海關各主兵  
三屯營標兵固原營援兵通應加犒乞要再加詳議  
照例酌量陞賞犒勞優恤其餘獲功陣亡人等通行  
巡按衙門勘明具奏另行陞賞及該巡撫都御史溫  
景葵備言總督劉燾之功以為地方共事之長總督  
都御史劉燾備言巡撫溫景葵之功以為地方共事  
之臣不敢互相稱引各一節為照養爾東胡為謀奸

猾方當草枯馬弱之時欲逞虎噬狼貪之計幸賴

皇上

聖武布昭玄威震疊預飭春防之淵略屢勤兵理之德音  
天風昭示于先時海波效靈于臨事始攻黃土嶺叅將白  
文智首挫其鋒繼攻一片石總兵胡鎮中殺其勢再  
攻山海關守備趙雲龍後擊其歸數萬之虜狼狽而  
退千里之邊安堵如舊伏望

聖明擇日謝玄以荅麻貺仍乞

勅下禮部奏遣彼處巡撫官祭告海神以昭百靈助順  
之效至於地方文武官員宜加恩勞誠如

聖諭既經總督鎮巡劉燾等分別等第會題前來臣等復  
加酌擬除原非戰守及巡按巡關御史例不論功俱  
不敢濫擬外總督右副都御史劉燾巡撫右僉都御  
史溫景葵身雖未蒞於三軍心實已竭乎百慮總兵  
官都督同知胡鎮聞警而率衆先登遇敵而誓死轉  
戰相應與叅將白文智等一體優錄以示激勸合候  
命下將劉燾重加陞賞胡鎮特加廕資溫景葵同加陞賞  
白文智趙雲龍董一元超格陞賞商誥量加陞賞紀  
公巡量陞俸級仍加賞資白武卿趙雲鳳重加陞級  
周池白棟等三十八員名各加陞級傅津張懋勛徐

枝厚加賞賚尤月羅端王允吝重加賞賚朱添福等二十八員名總督軍門分別犒賞陣亡旗軍范勲等四名照例襲陞二級被傷旗軍郭勲等三十六名照例優恤哨夜張才等五名哨探明的戰守有賴各加陞級仍與石門寨山海關各主兵三屯營標兵并固原營援兵勳文太僕寺馬價銀八千兩解送軍門分別賞勞斬獲首級聽巡按御史覈實明白另行陞賞

嘉靖四十三年二月十一日題奉

聖旨朕荷皇穹眷佑狡虜退遯邊境載寧祭告海神着禮部奏舉有功人員你每既酌擬停當劉謙陞兵部右侍



郎兼都察院右僉都御史昭舊總督還賞銀四十兩紵  
絲二表裡胡鎮脰一子與做錦衣衛署百戶溫景葵陞  
俸二級各賞銀三十兩紵絲二表裡白文智趙雲龍並  
一元各陞三級賞銀二十兩一表裡商誥陞一級紀公  
巡陞俸一級各賞銀十兩白武卿趙雲鳳與做原衛所  
鎮撫周池等張才等各陞一級傅津等各賞銀十五兩  
九月等各十兩其餘依擬欽此

覆江西巡按御史陳志覈實叛兵袁三功賞疏  
題為流寇突犯隣省深入鄱湖乞

勅撫操諸臣合兵夾勦以靖地方事職方清吏司案呈奉

本部送兵科抄出巡按江西監察御史陳志題奉  
聖旨該部知道欽此欽遵抄出送司奉呈到部看得巡按  
江西監察御史陳志題稱廣賊袁三餘黨流毒地方  
各該官兵生擒一百二十六名斬首九十一顆及稱  
叅政王應時副使塗澤民陶承學叅議陳宗虞崔都  
僉事盧岐嶷崔近思祝繼志把總樂墳所當首錄都  
督僉事劉顯叅將梁守愚遊擊將軍盧錡知府劉玠  
同知楊侃袁珠通判畢效欽舒塗梁繼芳何諮推官  
楊徵守備李超吳國指揮曹清知縣游日章高岡王  
葵千戶劉添榮等六員所當併錄百戶馬效龍丁沂

相應免究及稱原任巡撫江西右副都御史今陞兵部左侍郎胡松謀成多算功收萬全各一節為照叛兵袁三等自嘉靖四十年五月背叛流劫以來直至江西陽稱投兵陰實為亂江西撫按官察知其情差官伴送浙江軍門收用行至玉山縣地方遷延不進肆行焚劫上饒永豐三縣俱被延害縱橫五十餘日糾連數千餘衆因而劫掠福建建陽崇安流漫延平汀漳等處勾連逆賊張璉幾破漳郡後又突至泉州順昌旣寧據險團結欲過分水等關入湖入江以為巢穴巡撫都御史胡松乃能一函具題一函分遣勦

兵數枝遠出建陽崇安合圍火擊賊始挫創群兇  
覬覦之跡消二省荼毒之患以據一特效勞人員既  
該巡按官覈勘前來內胡松叔日偏裨以出境先則制  
人已奪狂悖之心分諸道而防湖隨處皆兵茂建擒  
俘之績御史陳志以為謀成多并功收萬全殊非過  
論王應時雖以別事革任閑住其功亦難獨泯係干  
激勸相應通行議擬合候

命下將胡松厚加陞俸以示勵獎在都樂填崔近思量加  
陞賞王應時重加賞資劉顯宗澤民陶承學陳宗虞  
盧岐凝祝繼志量加賞資梁守愚等二十二員巡撫

衙門分別犒賞丁沂准其贖罪馬效龍免其究治嘉  
靖四十三年二月十五日題奉

聖旨是胡松陞俸一級賞銀二十兩崔都等各陞俸一級  
還與王應時劉顯等各賞銀十兩其餘依擬欽此

覆宣大巡按御史成守節覈實宣府搗巢功賞疏  
題為奏報捷音以慰

聖懷事職方清吏司案呈奉本部送兵科抄出巡按直隸  
監察御史成守節奏奉

聖旨兵部知道欽此欽遵抄出送司案呈到部看得巡按  
直隸監察御史成守節奏稱查勘過嘉靖四十二年

十月內官軍從宣府西路膳房堡守處出邊搗巢斬  
首生擒一百三十餘名顆及稱軍門標下中軍原任  
叅將呂淵巡撫標下把總原任叅將丁淳軍門標下  
千總葛奈并把總張士英劉教劉付擺言都王朝陽  
石天爵黃伏劉倉正兵營把總馬虎張雄武藍李東  
羊閻縉黑曉虎車燒化俱查部下首級多寡照例陞  
賞內葛奈馬虎燒化尤當重加陞賞軍門標下原任  
總兵官劉漢正兵營坐營馮大威管領家丁千總方  
時春均當收錄西路叅將李官膳房堡守備劉淳所  
當量賞總督尚書江東巡撫都御史楊巍鎮守總兵

官馬芳所當併加賞賚內楊魏允宜崇厚陣亡軍丁  
楊祿等獲功官軍趙紀等俱當照例陞錄生擒達婦  
努賈等四口亦應併議各一節為照蠹茲騎虜擁精  
悍之衆突入薊鎮全無內顧之憂宣府總督鎮巡等  
官乃能仰仗玄威恪遵

明旨督兵出塞搗其巢穴斬首多至一百三十名顆攻其  
必救甚得兵家之算所據有功人員既該巡按御史  
成守節勘實具奏前來相應通行依擬合候

命下將江東馬芳劉漢重加賞賚楊魏里加陞賞葛柰馬  
虎燒化重加陞賞李官劉厚量加賞賚呂淵等十八

員并陣亡軍丁楊祿等獲功官軍趙紀等查照數冊  
另行陞賞報捷人員李英李相王大結琪照例陞賞生  
擒達婦努賣等四口既係在巢擒來轉行彼處巡按  
御史或應處決或應給配明白回奏恩威出自朝廷嘉靖四十三年二月十五日題奉

聖旨是江東賞銀三十兩紵絲二表裡馬也力劉漢各二十  
兩一表裡楊魏陞俸二級葛奈等各陞二級賞銀十兩  
李官劉淳各十五兩其餘依擬欽此

覆巡撫福建都御史譚綸請自募浙兵征倭疏

題為仰仗 玄威官兵屢戰克捷救全一破縣城并議



增兵大加勦殺以伸

國威事職方清吏司案呈奉本部送兵科抄出提督軍務兼巡撫福建地方都察院右副都御史譚綸題奉聖旨兵部看了來說欽此欽遵抄出送司卷查先該巡撫福建都御史譚綸題該本部覆奉

欽依移咨浙江巡撫衙門將下班義烏之兵聽其徑自調用如果以後賊勢重大福建軍門於溫台二府從便招募浙江不得阻遏已經通行欽遵以後今該前因查呈到部看得巡撫福建都御史譚綸題稱新倭萬餘攻陷處縣數座分謝各縣米

其通前

後擒斬賊級一千四百一十六顆與賊大戰保全縣  
城前賊數尚萬人標下浙兵上班數止六千賊衆兵  
寡急難濟事乞要自備錢糧委官於浙江金處台溫  
有兵地方召募精銳六千名赴閩應援照例更番各  
一節為照福建地方倭寇前歲興化之警固稱恣肆  
今歲仙遊之變更切猖狂所賴官兵奮勇迥異疇昔  
或邀之於海或截之於陸或直搗其巢穴或力攻其  
精銳獲一千餘四百之級解五十日重圍之苦殊可  
嘉尚但賊氣雖奪賊黨尚衆欲要廣募浙兵無非早  
求掃蕩之意相應亟為依擬合候

命下本部移咨浙江巡撫衙門聽福建軍門自備錢糧委  
官於金處台溫有兵地方隨宜選募精銳六千名兼  
程赴閩防勦倭寇其餘更番事宜悉聽便宜施行其  
獲功失事人員移咨都察院轉行福建巡按御史覈  
勘明實分別具奏及照浙江巡撫侍郎趙炳然素懷  
無我之心兼抱濟時之略即今隣境既稱危急纓冠  
披髮曷俟於言但恐司道府縣自分彼此互相阻撓  
未免有悞機宜本官務要一面出給簡易告示嚴加  
禁緝一面將選募過兵數并起程日期具由奏報  
靖四十二年二月二十九日題奉

聖旨是欽此

覆雲南巡按御史王諍撫處土酋鳳繼祖功罪疏  
題為仰仗 玄威撫處土酋并查各官功罪請乞

聖斷事職方清吏司案呈奉本部送兵科抄出巡按雲南  
監察御史王諍題奉

聖旨該部知道欽此欽遵抄出送司卷查先該巡按雲南  
監察御史孫用題為地方夷情事該本部看得致仕  
女官瞿氏始因妄奏飾非繼而抗違稱亂及稱鳳索  
林聽信奸人撥制故違上司斷案均當有罪及叅瀾  
滄兵備副使殷正茂分守右叅議歸太迥分巡僉事

蕭鳴邦署都指揮僉事王世科各有統轄之責均無  
指授之籌但各官蒞任未久履險不辭以當姑容戴  
罪殺賊以責後效及行新任巡撫教宗庶幾總兵官沐  
朝弼督責各官戴罪搆捕首惡鳳繼祖昭正典刑以  
絕禍本并將該府應否築城設禦建學由宗應用錢糧  
調撥官軍等項會議題請仍行續差巡按御史將女  
官瞿氏鳳索林提問如律等因奉

聖旨是欽此已經通行欽遵去後今該前因咨呈到部看  
得巡按雲南監察御史王諍題稱都指揮公僉事王世  
科等督兵擒勦鳳繼祖畏威悔過輸心歸服已經安

掃撫處仍給本犯免死執照及稱副使等官殷正茂等似當准其後功以贖前罪翟氏鳳索林等另行提問具奏各一節為照土酋鳳繼祖始緣姑婦之不和繼因奸逆之勾煽倡亂一方罪當首死但今披髮縞衣哀悔之意頗真制血贖金震龍之狀可憫總兵等官撫順夷情隨宜安插處置似已得宜至於副使殷正茂叅議歸大道僉事蕭鳴邦都指揮僉事王世科守備金堂同知江應昂雖有後功僅償前罪既經巡按御史具題前來相應通行依擬合候

命下備行巡撫雲南都御史呂光洵會同總兵官沐朝弼

巡按御史王諍即將鳳繼祖嚴加戒諭以後務要遵  
守國法潛消家難如敢再肆狂悖定行處以重典  
以示懲戒其殷正茂等免其究問但恩威出自

朝廷嘉靖四十三年二月二十九日題奉

聖旨是欽此

議福建陣亡知縣魏文瑞卹典責成亟勦山寇疏  
題為地方賊情事職方清吏司案呈奉本部送兵科抄  
出巡撫南贛汀漳等處地方提督軍務都察院右僉  
都御史吳百朋題奉

聖旨兵部知道欽此又該提督軍務兼巡撫福建地方部

察院右副都御史譚綸題為縣官督兵勦賊奮勇陣  
亡乞 賜卹典以勸忠義事與巡按福建監察御史  
李邦珍題俱奉

聖旨該部知道欽此通抄送司卷查先該巡按直隸監察  
御史周如斗題該本部覆議將陣亡知縣錢錚量贈  
京職立祠死所歲時致祭仍廕一子入監讀書節奉  
聖旨錢錚准贈光祿寺少卿廕子立祠照例行欽此除通  
行欽遵外今該前因查呈到部看得提督南贛都御  
史吳百朋巡撫福建都御史譚綸巡按福建監察御  
史李邦珍各題稱汀漳二處草賊蘇阿普等近又竊



發目下調兵圍殺雖有斬獲未見蕩平欲照分地合  
兵夾勦已獲賊首賴忠潭巫二妹與賊總邵全寬等  
四十餘名監候處決及稱漳平知縣魏文瑞勦賊陣  
亡欲要贈錄失事僉事黎元等姑令戴罪殺賊各一  
節為照知縣魏文瑞本以紳佩之流敢當軍旅之任  
死節之忠誠可嘉尚賊首賴忠潭等繹騷地方罪在  
不赦既稱擒獲委當亟正法典僉事黎元等誤事有  
罪但今賊情未寧似當責其後效既該提督都御史  
吳百朋等題咨前來相應通行議擬合候

平移咨兩廣總督兼都御史調集兵糧刻期進勦

永安大田等縣者責成武十兵備道在龍巖漳平連  
城等縣者責成漳南兵備道務期蚤為掃蕩以靖地  
方魏文瑞照錢鐸事例贈卹立祠仍廕一子入監讀  
書黎元與同知尹尚賢劉宗實知縣劉源湧許尚靜  
等姑令住俸戴罪殺賊其餘有功有罪人員通候事  
寧之日併查奏報賴忠潭等巡按御史就彼處決徑  
自臬示嘉靖四十三年閏二月二十一日題奉

聖旨是這山寇著吳百朋譚綸嚴督各該兵備官刻期勦  
滅以靖地方黎元尹尚賢等姑住了俸戴罪殺賊欽此  
覆兩廣提督侍郎吳桂芳征勦倭寇報捷疏

題為飛報征倭大捷事職方清吏司案呈奉本部送兵  
科抄出提督兩廣軍務兼理巡撫兵部右侍郎兼都  
察院右僉都御史吳桂芳題奉

聖旨兵部看了來說欽此欽遵抄出送司案呈到部看得

提督兩廣軍務右侍郎吳桂芳題稱潮州大圍倭寇  
屯聚日久督調各路官兵及報効新撫花腰蜂即伍  
端等連破三巢斬獲燒燬共四百餘名顆除一面親  
督官兵進勦大巢各一節為照前項倭奴連營結巢  
流毒患潮之境為日已久侍郎吳桂芳初至地方即  
能督率兵將連下三巢用撫民以使過犄角之形已

收羣力而策動破竹之勢自易新撫花腰蜂即伍  
端前洗舊惡志樹立新功鼓舞招徠雖出自總兵吳繼  
爵俞大猷命筆徐甫宰而一念向化之誠亦難輕泯  
但餘孽尚未盡滅拯溺救焚不容少緩謀事貴於有  
終構會乘機以亟當早圖相應催行勘處合候

部下本部馬上差人移咨吳桂芳會同總兵官吳繼爵俞  
大猷巡撫叅政顧都御史吳百朋親詣彼中嚴督各路  
兵將并報効効伍端等速將見在倭寇設法搜勦務期  
片帆不返乃遺無存方稱

朝廷委任責成以至意一面咨行都察院轉行彼處巡按

御史通候雷事寧之日將有功吳桂芳等并伍端應該  
作何錄敘有罪人員應該作何究處通行回奏以示  
激勸嘉靖四十三年三月十五日題奉

聖旨廣東倭寇連年征勦無功吳桂芳吳繼爵乃於新任  
即有此捷各員銀二十兩紵絲二表裡着會同吳百朋  
俞大猷嚴督各路官兵乘機蕩平以紓民患其餘依擬  
欽此

覆巡撫福建都御史譚綸等征勦倭寇報捷疏  
題為仰仗

玄威官兵追勦

大勢倭賊三戰三捷地方底寧事職方清

吏司案呈奉<sub>司</sub>送兵科抄出提督軍務兼巡撫福建地方都察院右副都御史譚綸題奉

聖旨兵部看了來說欽此又該巡按福建監察御史李邦珍揭帖為仰仗廟謨官兵勦賊倭<sub>官</sub>出巡事等到部通送到司案呈到部看得巡撫福建都御史譚綸題稱山寇結連萬倭大舉入寇擁衆攻城官兵一破之仙遊再破之同安三破之漳浦先後斬獲二千有奇焚溺毒死稱是目今境內並無一賊地方已寧及稱鎮守總兵官戚繼光功當首論按察使汪道昆巡海副使周際旦宣功當次論守備等官王如龍等二

十四員所當論其餘功罪官兵另行論叙及該巡按御史李邦珍揭報相同各一節為照前項倭奴始而霍焰方張詭誕興化之故智久困仙遊繼而奸謀未遂知漳泉之飢富遂出長泰群醜縱橫八閩騷動仰仗

聖皇在上玄威遠震我兵奮勵三戰三捷斬獲之級多至二千有餘焚溺毒死者不計其數雖有殘孽逃入隣境廣東遊魂落魄極其狼籍是誠十年未有之功所據總兵官戚繼光巡撫都御史譚綸文武相資謀勇交濟在戚繼光則臨敵制勝不遺餘力時出奇正

方在譚綸則應變隨機不遺餘筭親履貼危之險臣  
等待罪本六目擊盛事深為

朝廷得人稱慶至於按察使汪道昆等守備王如龍等  
之功既該綸具題前來係干激勸相應勘處合候  
命下將戚繼光譚綸先行厚加賞資仍於汪道昆等王如  
龍等移咨都察院轉行彼處巡按御史勘明之日仍  
為優叙其餘有功有罪人員亦聽御史一併覈勘造  
冊奏繳嘉靖四十三年四月初四日題奉

聖旨是這各官勦倭屢捷斬獲數多譚綸戚繼光各先賞  
銀三十兩紵絲一表裡仍候汪道昆等王如龍等勘報



至日一併錄叙此

覆前遊總督侍郎劉燾春防解嚴疏

題為議撤防春兵馬事職方清吏司案呈奉本部送兵  
科抄出總督前遼保定等處軍務兼理糧餉兵部右  
侍郎兼都察院右僉都御史劉燾題奉

聖旨兵部看了來說欽此抄出送司案呈到部看得總督  
前遼保定軍務右侍郎劉燾題稱春防既過胡馬已  
羸各路主客官軍効勞日久欲要撤放休息以備秋  
防一節為照即自初夏天氣漸炎審時度勢前項官  
軍奏常撤放但慮情奸狡迫異時昔寧為先事之過

防無致後時之有失係于邊計相應通行議擬合候  
命下移文侍郎劉壽總兵官胡鎮巡撫都御史溫景葵文  
書到日即將主客官軍應放者查照舊規及時撤放  
養其銳氣以備秋防之用應留者分布緊要隘口加  
謹隄備一面差人遠哨常如虜在目前以圖萬全及  
照防秋客兵到鎮之日原奉

欽依本部差郎中一員前去點視既有總督大臣在彼郎  
中似不必差合無悉聽劉壽徑自點視分別精強單  
弱具由回奏嘉靖四十三年四月十二日題奉

聖旨是着劉壽督率鎮巡等官用心隄備遠哨務保萬全

欽此

覆監察工程科道官鄧楚望等議折班軍銀兩疏  
題為因事感奮申明人臣効忠之義共修實政以圖補  
報事職方清吏司案呈奉本部送准工部咨該監察  
工程禮科等衙門左給事中等官鄧楚望等題奉

聖旨該部看了來說欽此欽遵咨部送司卷查先該兵科  
左給事中陳嘉謨題為陳末議以裨 國計事內一

款補逃軍以祛積弊凡三都司各衛所該班逃軍俱  
要嚴拘正身不許撥補旗戶如無正身即將各逃軍  
名下糧銀完追原數解部應用等因隨該本部覆奉

欽依通行外今該前因查呈到部看得監察工程左給事中鄧楚望監察御史劉思問題稱凡遇工作多用班軍以省夫役及要將中都之軍暫免赴操各量追班銀并行糧解部以廣崔募一節為照

祖宗設置班軍強幹弱枝專為兵務不為工作若使改追班銀以後相沿歲久未免盡廢舊制但中都留守一司要果軍到甚少甚至有全衛全所俱不到者在今日正當為補偏救弊之圖不當為因噎廢食之計既該科道官鄧楚望等具題前來無非法風蠹以修實政之意相應通行議擬合候

命下本部移文鳳陽撫按嚴督各該兵備道先將今年該班官軍作速查催務要盡數赴京不許短少一人合用月糧差官各另起解以憑委官給散其領班都司并指揮千戶等官果有包貼等項情弊應拏問者徑自拏問應叅奏者從實叅奏其節年逃故軍人照數扣除糧銀并追罰工銀兩一併解部以備募夫之用以後各處工役仍聽戎政大臣多撥班軍以十分為率務足一半以省雇夫之費嘉靖四十三年四月十九日題奉

聖旨是欽此

覆給事中趙格條陳時務疏

題為酌陳時政以効愚忠事職方清吏司案呈奉本部  
送兵科抄出兵科給事中趙格題奉

聖旨該部知道欽此欽遵抄出送司案呈到部看得兵科  
給事中趙格條議四事合就開立前件議擬上請定  
奪嘉靖四十三年四月二十八日題奉

聖旨依議行欽此

一曰肅巡察以固根本看得詰奸刑暴本部職任至  
於嚴肅京師以為四方之極尤為根極要領之論頃  
者妖逆呂愷等雖已擒獲置之法典而中外竊伏之

徒尤多有之求之太深則反側之子無以自安置之  
不問則作孽之人無從示戒合無依其所擬本部通  
行嚴衛并巡捕提督官及洛都察院轉行巡城御史  
嚴行五城兵馬司多方禁約但有前項不逞者即使  
挨拏究治不得互相容隱釀成大患一面移文鳳陽  
山東河南各撫按官查照先令事理出示曉諭以為  
朝廷所治者止是呂愷等一起其餘悉聽出首免罪

二曰慎招安以正民風看得山東義勇陳良謨一事  
原因去歲薊鎮虜患私糾淄川之人欲要殺賊報効  
已而聞虜北遯旋即散歸問其名則為敬懷原無携

二之情據其跡則為擅專當慎冰霜之慮以故撫按  
官張鑑高應芳題議將陳良謨等三名量加冠帶把  
總名色候防秋之日與同民兵一體防邊已經覆奉  
欽依事體甚明比之招安盜賊迥不相同今若再行究問  
未免無事生擾合無備行新任巡撫侍郎鮑象賢遵  
奉勅諭照常安輯地方其周顯宗并司守敬等不  
必查究仍明諭諸人知之

三曰明職守以策事功看得該科所論大率謂賞有  
所專重督撫不得以濫及罰有所必施將士不容以  
輕貸無非慎重功罪之意先該臣博總督宣大之時



題議本兵與巡按御史不許論功蓋本兵有議擬功罪之責若使論功則未免交相欺蔽已經奉有

欽依相應一體申明以便遵守合無依其所擬通行各該督撫不得互相標榜輒與諸將同賞失事自偏裨而下悉聽叅奏聽候宸斷中間果有勤勞懋著者聖明在上自有特恩若因循推諉及失誤事機俱聽科道官指實叅究其本兵與巡按御史以後通不許論功致傷大體

四曰酌驛傳以正體統看得奉 旨給驛乃

朝廷一時特恩領 勅官不支廩米亦車駕節年定例

俱難輕易變更至於勘合之假借冒濫誠如該科所  
論緣本部但起勘合俱應各衙門印信文移中間真  
偽不能一一辨析合無通行府部并在京大小衙門  
以後必須真正公幹方許移文過部聽該司查審明  
白方行准給合用夫馬照例填寫不許多加一夫一  
馬如違悉聽該科指參恭治一面通行各該督撫巡  
按等官將編去勘合式一百道或五十道填用將盡先  
期將用過勘合數目乃差過各員役姓名緣由一併  
繳部方准再給遺下未繳之數另文銷繳不許徇情  
市恩任其假借自取卹非庚年終造冊類奏青冊送部

及該科查照仍各出紉簡易告示申諭各該有司驛遞等官但有例外阿諛忌承奉及勢要人員例外索騙者俱許所在官司一體申究

覆監察御史董文采條陳邊務疏

題為敷陳末議以仰裨聖治事職方清吏司案呈奉

本部送戶科抄出河南道監察御史董文案題奉

聖旨該部看了來說欽此欽遵抄出送司案呈到部看得河南道御史董文案條陳五事均係防邊要務而敦叶恭一事尤切時弊合就開立前件議擬上請定奪嘉靖四十三年五月二十九日題奉

聖旨依議行欽此

一崇節約以省民財大率欲要責成各處撫按一以儉約率下旗幟鼓吹悉行痛革夫皂廩給之類僅取足用仍定為條格立為循環各另確守季終調查所言懇切深於民瘼吏治有益至於責成撫按尤為正已率屬之至論若使撫按官果能允蹈力行司府州縣自然隨風感動經行官使亦當聞風歛跡轉移之間關涉不淺合無通行天下撫按官查照今議各要先以崇高節儉為本旗幟鼓吹痛加禁革夫馬廩早照例給撥軍衛有司驛遞衙門敢有不行遵依阿諛

奉承徑自究治情重指名叅奏罷黜示戒經過公使如敢需索恣肆不分勲戚京堂科道部屬一體查叅一給關防以覈軍餉為照國初所設總兵官得有印信謂之掛印將軍以後添設總兵官旋給關防不稱將軍止稱鎮守蓋即古八虎符之意重事權也至於副叅以下原無關防間有一二給者始於浙江之倭患終於江西之山寇一時從宜難以為例以故臣等近將江浙叅將但有關防者題奉

欽依盡行繳回似難再議合無通行各處總督撫按衙門行令各該副叅遊守等官一切文移遵照本部題准

理俱於所在兵備分巡處掛號以防奸弊以明心  
迹至於實收勘合等項悉照御史董文宋今議聽  
督撫按衙門徑自立法稽考

一 聖哨探以鼓軍心大率欲將出哨人役特加厚養  
別立賞格無非明我耳目知彼知己之意但哨夜被  
賊殺死不候覈冊自有陞級之例殺死而無子孫者  
每遇歲終又有類祭之恩似難別議但薊州一鎮與  
獨石一路事關畿輔比之別邊不同合無斟酌所擬  
通行各處總督鎮巡副叅遊守等官以後應差哨夜  
軍丁務要特其衣糧厚其賞犒果能傳報的實防守

有猘各邊者陞世襲一級薊鎮獨石者陞世襲二級  
遭虜被殺各邊者陞世襲一級賞銀五兩布五疋薊  
鎮獨石者陞世襲二級賞銀十兩布十疋各役如敢  
不行哨探虛規誤事聽該管官痛以軍法重治或令  
常川哨守以示懲戒

一議哦修守以嚴防禦大率謂薊鎮之事修守第一戰  
勦次之反覆辨析極為有理但自去冬虜患以後該  
鎮總督鎮巡官蚤夜圖維不遑寧處事當求其萬全  
功難和虧於一簣相應仍加申飭合無備行總督劉  
巡撫溫景葵總兵胡鎮劉漢超今無警各將修過邊

工時加葺補未修逼工急為料理一切撫夷諸餉  
行事宜不遺餘力不遺餘算方副

聖明簡任責成至意

一敦協恭以盡圖報看得御史董文宋所題詞嚴義  
正極其詳盡大率分文武為殊途而交相侵軋以儀  
文為正務而動懷疑忌假讐嫌為題目而故求脫免  
此三事者寔皆受病之源即今

聖明在上正當寅恭和衷之時使有若人者叅於其間不  
良不忠未免妨政害治合無通行各邊總督鎮巡副  
叅遊守司府衛所州縣等官以後務要先公後私先



人後已同心以體國虛心以議事公心以用人實心以從政一切兵食事宜廣集衆思不許偏徇已見言之苟當雖出自小卒亦宜曲從言之無章雖出自大帥亦當寢革如敢仍前恣肆但如董文案所論在外聽巡按巡關御史在內聽兩京科道官叅奏罪坐所由果有規避實跡不止罷黜掣解來京從重問擬覆廣東撫按總兵等官吳桂芳等報海兵作亂疏題為飛報海兵激變事職方清吏司案呈奉本部送兵科抄出提督兩廣軍務兼理巡撫兵部右侍郎兼都察院右僉都御史吳桂芳題奉

聖旨兵部知道欽此該兵科叅看得為照對

佔之詞自宜從實海兵既已揚波大變豈甘束手無為也  
據巡按陳道基之奏盛言其劫村殺人焚舟掠財民  
人流離室家傾蕩其詞不一吳桂芳乃絕無隻字稱  
慘且謂城外居民幸保無虞相背若此將誰欺乎恐  
素負雅望者不應有此舉也宜從抄出行使聞之等  
因又該巡按廣東監察御史陳道基題為走報變亂  
兵船事又該鎮守兩廣地方總兵官征蠻將軍恭順  
侯吳繼爵與吳桂芳題同前事俱奉

聖旨兵部知道欽此欽遵通抄送司案呈到部看得廣東

撫按總兵等官吳桂芳等各題稱柘林哨兵日久乏食率黨猖亂在吳桂芳則稱帶管海道副使方逢時失於督催兵備僉事徐甫宰失於彌處知府何寵久安玩忽該哨指揮韓朝陽千戶耿斌素失軍心而韓朝陽又與于英致基禍釁其情尤重及自稱職守不得咎亦難辭欲要移鎮廣城相機勦撫在陳道基則稱韓朝陽耿斌馭兵無法分受賊私碣石哨指揮李茂材南頭哨指揮孫良冒領餉銀輕舟遠遁俱應重究司府捕盜等官另行叅奏仍速行兩廣督撫等官集兵勦滅各一節為照兩廣軍民久疲兵燹各該兵

備有司等官加意撫戢猶恐或生別虞乃今處置失  
宜工食不以時給致成內變在敢行猖亂之徒罪不  
容誅在失誤軍餉之官法當併究既該督總巡按具  
題前來係干腹心之患相應亟處合候

令下移咨吳桂芳會同吳繼爵俞大猷將前項叛兵調集  
兵船剋期掃蕩大率必行勦除者在於首惡首惡果  
能洗心納款具由奏請姑從寬假者在於脅從脅從  
果能擒獲首惡出獻一體錄叙仍將應得工食照數  
補給不得專一招撫為名以致首惡漏網以滋方來  
延蔓之禍一面移咨都察院轉行巡按廣東御史將

韓朝陽等行提到官從重問擬副使方逢時等先各  
住俸戴罪殺賊其餘違誤官員通候事寧之日分別  
具奏嘉靖四十三年五月二十九日題奉

聖旨是韓朝陽等并何寵于英巡按御史提問具奏方逢  
時徐甫宰着住了俸戴罪殺賊欽此

請命薊遼宣大總督大臣分布防秋兵馬疏

題為預處畿輔兩腋兵馬以慎秋防事職方清吏司案  
呈照得今歲春防仰仗

聖皇在上玄威震疊自一片石逐勦之後正月至五月連  
閱半年絕無警報即自六月初臨去七月僅有一月

所據內而劍遼保定兵馬應該總督侍郎劉燾分布  
外而山西大同宣府兵馬應該總督尚書江東分布  
近該宣府巡撫都御史李秋宣大巡按御史成守節  
具題邊務中間言及調遣兵馬所見各殊大抵邊務  
當集衆思固不宜執泥乎已見邊政當求體要亦不  
宜依違乎人情今之邊政體要孰有過於總督大臣  
者在本部難制外間之事在督撫則無中覆之虞必  
須二處總督將防秋兵馬斟量停妥作速具奏庶不  
誤大計案呈到部看得春防告謐實皆仰藉乎

天威秋期倏臨亟當力修乎人事所據該司呈稱分布兵

才  
馬一節委屬總督大臣之責相應通行議處合候

命下備咨江東劉燾各將主客兵馬照依往年事例酌量  
分布文書到日限旬日以裏列欸具奏劉燾仍將十  
路未修險隘作速修理務期堅完高厚足堪保障江  
東仍將山西大同宣府三鎮援兵除原係入衛者劉  
燾徑自調遣外其餘正奇遊兵如薊鎮全無警報該  
在何處住劄如薊鎮的有警報該調何處駐劄必須  
內不失薊鎮之防外不誤本鎮之事方為上策至於  
保定總兵官切隣靈廣無容別議遼東總兵官密邇  
山海應否調至寧前亦聽劉燾一併查議定奪

嘉靖四十三年六月初二日題奉

聖旨是這調兵事宜著江東劉燾會同各鎮巡官計議  
停常具奏欽此

覆薊遼總督侍郎劉燾酌議屬夷撫賞疏

題為庸懦將官撫禦失宜乞

賜究治以飭邊防事職方清吏司案呈奉本部送兵科抄  
出總督薊遼保定等處軍務兼理糧餉兵部右侍郎  
兼都察院右僉都御史劉燾題奉

聖旨兵部知道欽此抄出送司案呈到部看得總督薊遼  
侍郎劉燾題稱牆子嶺屬夷撲捉官軍俱行送還欲



將該路迤西撫賞事宜比照東路事體務要相同及  
行各路將領嚴加隄備一節為照薊鎮地方一牆之  
外即為三衛巢穴先年夷情效順不惟不敢勾虜但  
有醜虜入犯之訊即能叩關馳報是以撫賞之舉荅  
其忠勤非無謂也乃自庚戌以來虜每憑陵夷輒為  
之嚮導在彼猶以撫賞為應得不知果有何勞在我  
猶以撫賞為常例不知費有何益但中間部落繁多  
尚有向化之人若使一槩革罷政體表情均為有碍  
既該總督侍郎劉燾具題前來相應通行議擬合候  
命下移咨劉燾公同鎮巡撫都御史溫景葵總兵官胡

鎮劉漢督同該道兵備守將古北口迤西各路撫賞  
事宜酌量豐約務與東路事體相同仍要先布

朝廷恩威殺伐利害大率謂今秋虜未侵犯果能傳報  
的確虜將侵犯果能出力拒堵不止照常撫賞仍當  
破格陞賞若敢效尤牆子嶺去冬之事先將撫賞革  
除大發天兵前來搜勦一面通行各路將領嚴加  
設備譬之人身元氣既壯邪氣難侵不得專恃撫賞  
廢弛邊政傷重損威自取罪戾嘉靖四十二  
初三日題奉

聖旨是撫賞不可專恃還着劉漢嚴督鎮巡等官修舉戰

守諸務以固邊防欽此

覆宣大總督尚書江東筭一條議山西防秋事宜疏  
題為陳時弊度虜情慮貽將來大患懇乞

聖明申飭臣工務懷永圖責實以保萬世治安事職方  
清吏司案呈奉本部送兵科抄出總督宣大山西等  
處地方軍務兼理糧餉太子太保兵部尚書兼都察  
院左副都御史江東提督照門等關兼巡撫山西地  
方都察院右僉都御史楊宗氣題俱奉

聖旨兵部知道欽此欽遵通抄送司案呈到部看得總督  
宣大山西軍務尚書江東巡撫山西右僉都御史楊

宗氣條陳二事均於防秋有益合就開立前件議擬  
上請定奪嘉靖四十三年六月初五日題奉

聖旨依議行欽此

一後馬政以忙邊兵有得各邊椿朋肉臙等銀專為  
買補馬匹之用法久弊滋有名無實先該巡撫葛縉  
題准該鎮倒死馬匹先儘本軍椿臙餘照司隊攤銀  
朋合買補是亦補偏救弊之一端但朋銀徵解額數  
有常攤銀朋買多寡亦無定如遇倒死數多未免槩要  
買補苦累軍士誠如督撫官江東等所論合無移咨  
各官通行該鎮營所自今四十年秋冬為始以後

免其攤銀買馬仍照舊例領養者按月出備朋銀倒  
失者照數追賠椿脈等銀俱解行太僕寺貯庫聽候  
買馬仍嚴行各該守巡兵備道每年終將所轄營城  
應徵應解銀兩逐一查覈不許侵費延捱如遇買馬  
之時選委廉能官員協同該寺寺丞揀買臚壯好馬  
親自驗印給軍騎操毋令瘦弱充數如有仍前違慢  
及虛文塘塞者聽本部及該科指名叅究

一擬監督以慎邊防者得分委方面官員監督防秋  
起自偏頭之老營堡止於平刑之石窰巷雖係節正  
舊規緣邊關兵供原有專責即使別道暫行叅理彼

此相形動見掣肘臣博向在軍門親見別道各官人  
人以為不便合無備行總督尚書江東巡撫都御史  
楊宗氣止行鴈門岢嵐寧武兵備官遵照

初諭事理將一應防守事宜悉心整理聿修職業其各道  
官不必前去反致多事至於取用處將布置兵馬等  
項事宜悉聽徑自舉行

覆巡撫雲南都御史呂光詢等報雲南州構兵疏  
題為其省土官擅兵越境攻城劫掠謀占隣封地土懇  
乞 天恩亟賜究治及裁革土職以絕釁端以安邊  
方事職方清吏司案呈奉本部送兵科抄出巡撫雲

南等處地方都察院右都御史呂光洵等題奉

聖旨兵部知道欽此欽遵通抄送司案呈到部看得雲南

撫鎮巡按等官呂光洵等各題稱露益州已故土官

安九昂妻安素儀先因招贅致啓宣慰安萬銓安國

亨挾私興兵驚擾地方及稱安九昂族內故絕欲改

設派官仍要行貴州巡撫衙門將安萬銓等嚴加戒

飭黨惡安三等拏究如律各一節為照雲南露益州

與貴州水西宣慰司封壤特近雖有辰齒之形疆理

各殊原非鈐轄之地即使土婦安素儀淫蕩沉酣不

修婦道昏庸怯懦不稱官常自有雲南鎮巡官輕則

徑行詰責重則奏聞區處與貴州絕無干涉乃今突  
入鄰境劫寨殺人名駕納婦存孤之詞實負擅兵構  
怨之咎但為首作梗者原係舍目安三王承誥等貴  
州巡撫果曾差旗牌官撫諭不聽自當具實叅奏事  
經月久亦不見到中間安萬銓安國亨容縱之情尚  
未明的係干夷情相應通行議擬合候

命下移文貴州巡撫都御史吳維嶽總兵官石邦憲巡按  
御史邵光先就近查究要見安萬銓安國亨有無主  
使重情果如雲南守臣所奏作速查叅以正法典不  
許徇情回護一面將首惡安三王承誥等逐一追回



行按察司提問招報其餘脅從之徒姑不深究本部  
仍行雲南巡撫都御史呂光洵總兵官沐朝弼巡按  
御史王諍再查安九昂族內有無承襲之人應否照  
依阿迷州事例改設流官安素儀既令退閑應否照  
依武職妻優養事例從厚優養使之得所其安三等  
能聽貴州約束息兵則已如敢仍前恣肆即便會調  
各土官兵刻期搜勦以靖地方通候事完之日一併  
回奏嘉靖四十三年六月初五日題奉

聖旨是欽此

楊襄毅公本兵疏議卷十三終